

*1. وزیر اعلیٰ عمر عبداللہ نے جموں کشمیر نانہہ پولیو غی بیماری تیں پاک بنان بارے اپنی سرکار غا عظم نانہہ دُہراتاں واں صحت کارکنان تے رضاکاراں غی طرفوں بچاں غا مستقبل نانہہ محفوظ بنان بارے اُن غا کردار غی تعریف کی ہے ۔

*2. وزیر صحت سکینہ اتو نے گاندھی نگر ہسپتال جموں مانہہ بچاں نانہہ پولیو تیں بچانو غا قطرا پلا غے پولیو مخالف مہم غو آغاز کیو ہے۔

*3. ایف سی آئی غی آناج تیں پھری پہلی مال گڈی اج اننت ناگ ریلوے سٹیشن ور پُچ گئی ہے ۔

*4. مغل روڈ غا پیر گلی علاقہ مانہہ پھاری برفباری غی وجہ نال سڑک عارضی طور ور بند کردتی گئی ہے ۔ جس نال وادی کشمیر تے پیر پنجال خطہ بشکار ٹریفک متاثر ہوئی ہے ۔

*5. تے محکمہ موسمیات آئی ایم ڈی نے آئندہ 2 روز غے دوران جموں کشمیر سمیت مغربی ہمالیائی علاقان مانہہ برفباری غی پیشنگوئی کی ہے۔

خبران غی تفصیل نال پہلاں باغ علی طاہر۔

Cm Pulse Polio

آج بچاں نانہہ پولیو غا قطرہ پلایا جان غی مہم چلائی جا رہی ہے ۔ وزیر اعلیٰ عمر عبداللہ نے اس موقع ور والدین ور زور پایو ہے جے وے 5 سال غی عمر توڑی غا بچاں نانہہ پولیو غا قطرہ پلان غی خاطر اپنا نزدیکی بوتھ توڑی لے جائیں۔ جموں کشمیر نانہہ پولیو غی بیماری تیں پاک بنان بارے سرکار عظم ظاہر کرتاں واں انہاں نے صحت کارکنان تے رضاکاراں غا کم غی سراہنا کی، جنہاں نے بچاں غا مستقبل نانہہ بنان غی خاطر اُن تھک کوشش کی ہیں۔

Pulse Polio

وزیر صحت سکینہ اتو نے آج گو رنٹ ہسپتال گاندھی نگر جموں تیں "قومی یوم مدافعت" غو افتتاح کرتاں واں بچاں نانہہ پولیو غا قطرا پلایا جان غی مہم غو آغاز کیو۔ انہاں نے ذاتی طور ور بچاں نانہہ پولیو غا قطرا پلا غے مہم شروع کی، جس غو مقصد پولیو غی بیماری تیں جموں کشمیر یوٹی نانہہ پاک کرنو ہے۔ اس موقع ور اک عوامی اکٹھ سنگ خطاب کرتاں واں سکینہ اتو نے معمول غے مطابق حفاظتی ٹیکا کاری غی اہمیت ور زور پایو، تے اس مانہہ لوکاں غی بھرپور شرکت غی ضرورت ظاہر کی، تانجے یوٹی نانہہ پولیو تیں پاک بنایو جا سکے۔ اس با رے گل کرتاں واں محترمہ اتو نے کہیو۔ بانٹ۔۔ اسے دوران پولیو غا حفاظتی قطرا پلایا جان غی مہم آج جموں ڈویژن غا دوجا ضلعان مانہہ وی شروع کی گئی ہے ، جن مانہہ پوچھ، راجو ری، ریاسی تے اڈھم پور شامل ہیں۔ پونچھ مانہہ اس مہم غو آغاز کرتاں واں پونچھ غا ڈپٹی کمشنر آشوک کمار نے کہیو۔ بانٹ۔۔ راجو ری مانہہ ضلع ترقیاتی کونسل راجو ری غا چیر پرسن نسیم لیاقت نے اک پروگرام غے دوران پولیو غا قطرا پلایا جان غی مہم غو آغاز کیو۔ آکاشوانی نیوز سنگ اس بارے گل کرتاں واں انہاں نے کہیو۔ بانٹ۔۔ ریاسی مانہہ ڈپٹی کمشنر ندھی ملک

نے 5 سال توڑی غی عمر غا بچاں نانہ پولیو تیں بچائو غا قطرا پلا غے اس مہم غو باقاعدہ افتتاح کیو۔ اس مہم غا حصہ غا طور ور پولیو غا قطرا پلایا جان غی خاطر خصوصی بوتھ قائم کیا گیا تھا۔ کٹڑھ غا کہنی آبادی آلا علاقان جن مانہ کٹڑھ ریلوے سٹیشن تے درشنی گیٹ شامل ہیں پولیو بوتھ قائم کیا گیا تھا۔ اُدھم پور ضلع مانہ وی پولیو مخالف قطرا پلایا جان غو آج سویرے آغاز کیو گیو ، جس مانہ 5 سال توڑی عمر غا بچاں نانہ پولیو مخالف قطرا پلایا گیا۔ اُدھم پور غا ایڈیشنل ڈپٹی کمشنر پریم سنگھ نے پولیو مخالف قطرا پلان غی مہم غو آغاز کرتائواں اپنا خیالات ظاہر کرتائواں کہیو۔۔ بانٹ۔۔

Freight Train Kashmir

وادی کشمیر مانہ خوراک تحفظ نانہ بابدو دین غا اک قدم غا طور ور " فوڈ کارپوریشن آف انڈیا " ایف سی آئی غی پہلی مال گڈی اج آننت ناگ ٹرمینل ور پُچ گئی ہے ۔ پنجاب غا فیروز پور ڈویزن غا اُجیت وال ریلوے سٹیشن تیں 1 ہزار 3 سو 84 ٹن اناج 21 ویگناں ور پھر غے یاہ مال گڈی روانہ کی گئی تھی۔ اس اقدام سنگ وادی غا دور دراز علاقان توڑی وی ہلارکا وٹ اناج وغیرہ غی سپلائی ممکن ہو سکے گی۔ عہدیداراں غو کہنو ہے جے ریل ٹرانسپورٹ تیز تر تے سستو ویگو، جس نال کساناں تے صارفین واسطے فائدہ مند ثابت ویگو نالے مقامی منڈیاں تے ذرعی معیشت نانہ وی مضبوط بنایو جاسکے گو۔ عہدیداراں غو کہنو ہے جے اناج غی مال گڈیاں نانہ پوری وادی کشمیر توڑی توسیع دتا جان غو منصوبہ ور وی کم کیو جا رہیو ہے ، تانجے سپلائی زنجیر تے دفاعی رسائی نانہ بور تگڑو کیو جاسکے۔

Announcement

آکاشوانی جموں غا علاقائی خبراں غا شعبہ غی طرفوں کساناں بارے قومی تیہاڑا 2025 غا موقع ور 25 منٹ غو اک خصوصی پروگرام نشر وے گو۔ اس خصوصی پروگرام غو موضوع وے گو " اُن ہتھاں نانہ سلام جہیڑا مُلک نانہ کھلاویں"۔ اس خصوصی نشریات مانہ مہارا مہمان وین گا جو انٹ ڈائریکٹر برائے ذرعی پیداوار تے کسان بہبود جناب سنجے آنند جہیڑا اپنا ماہرانہ خیالات سانجھا کریں گا۔ پروگرام غی میزبانی مہارا اینکر وجے بجاج کریں گا۔ یوہ پروگرام آئندہ 23 دسمبر منگل ر آئے روز دوپہر 12 بجے نشر کیو جائے گو ۔

مزید خبراں نال عبدالمجید۔ ور اُس تیں پہلاں یوہ پیغام۔(یہ خبر تم آکاشوانی جموں تیں سُن رہیا ہیں، تے یہ خبر مہاری ویب سائٹ نیوز آن آنیر ڈاٹ گوو ڈاٹ ان ور وی دستیاب ہیں، اس تیں یہ (خبر مہاری مو بائل ایپ تے ڈی ٹی ایچ ور وی دستیاب ہیں

Mughal Road Closed

پیر پنجال خطہ نانہ وادی کشمیر نال جوڑن آلی مغل شاہرہ ور پیر کی گلی غا مقام ور پہاری برفباری پین غی وجہ نال مغل شاہراہ ور گڈیاں غی آئو جائی عارضی طور ور بند کر دتی گئی ہے۔ خراب موسم غے پیش نظر مسافراں غی حفاظت نانہ یقینی بنان غی خاطر لیا گیا حفاظتی قدم غے طور ور حکام نے دسیو ہے جے اوچا علاقان مانہ لگاتار برفباری ہون ، خاص کر پیر گلی غے کول کال برفباری غی وجہ نال سڑک ور تلکن ہو گئی ہے تے کھٹ نظر آ رہیو ہے، تے موسمی حالات مانہ سدھار ہون غے بعد ہی شاہراہ وروں برف صاف کرن غو عمل شروع کیو جائے گو ۔ حکام نے مسافراں ، سیلانیوں تے گڈیاں لاریاں آلاں نانہ ہدایت جاری کی ہی جے وے مغل شاہراہ ور سفر کرن تیں پرہیز کریں تے سڑک غی حالت بارے حکام غی طرفوں جا

ری جانکاری ور عمل کریں۔ راجوری پونچھ سرکل غا ڈی ایس پی ٹریفک شوکمار نے اس با رے جانکاری دیتاں واں دسیو۔۔ ہائٹ۔۔

Weather

ضلع ڈوڈہ مانہہ اج سویرے ہلکی بارش ہوئی ہے جد کہ ضلع با رہمولہ غا گلمرگ مانہہ تازہ ہلکی برفباری ہوئی جس نال کشمیر مانہہ سردی غا موسم غو اک شاندار منظر بن گئیو ہے ۔ بھا رتی محکمہ موسمیات نے مغربی ہمالیہ غا علاقان مانہہ آئندہ 2 تہاڑا تک برفباری غی پیشنگوئی کی ہے ۔ محکمہ موسمیات نے جموں کشمیر تے لداخ غی بکھ بکھ جگہیں پہاری برفباری غی توقع ظاہر کی ہے ۔ جموں کشمیر غا بالائی علاقان مانہہ ہلکی تیں درمیانہ درجہ غی برفباری غو امکان ہے جد کہ میدانی علاقان مانہہ اج ہلکی تیں درمیانہ درجہ غی بارش ہو سکے۔ 22 دسمبر نانہہ پورا خطہ مانہہ بارش تے برفباری غو امکان ہے ۔

Rly-Fare Rationalization

ریلوے نے اس مہینہ غی 26 تا ریخ تیں اپنا کرایاں غا ڈھانچہ نانہہ باقاعدہ بنا دے گی۔ نظر ثانی شدہ ڈھانچہ غے تحت عام کلاس مانہہ 2015 کلو میٹر تک غا سفر غاکرایاں مانہہ کوئی بابدو نہیں وے گو ۔ 215 کلو میٹر تیں اگے غا سفر واسطے عام کلاس غا کرایاں مانہہ 1 پیسوفی کلو میٹر بابدو ہو وے گو ۔ جد کہ میل تے ایکس پریس ٹریناں مانہہ ان اے سی کلاس غا کرایاں مانہہ 2 پیسہ فی کلو میٹر اضافو وے گو ۔ اے سی کلاس مانہہ ریلوے نے کرایو 2 پیسہ فی کلو میٹر بابدو دتا ہیں ۔ مضافاتی تے ماہانہ سیزن ٹکٹ غا کرایا مانہہ کوئی بابدو نہی کیو گئیو ہے۔
